



Sarajevo, 9.12.2009. godine

MEDIJIMA - SVIMA

Priopćenje za medije – revizija BHRT-a

Ured za reviziju izvršio je reviziju finansijskih izvješća i poslovanja BH RT za 2008. godinu kao specijalnu reviziju prema zaključku Povjerenstva za financije i proračun Doma naroda Parlamentarne skupštine BiH i odluci glavnog revizora. Revizija je izrazila mišljenje sa kvalifikacijom, odnosno uvjetno mišljenje (mišljenje sa rezervom) na određene stavke i pozicije u finansijskom izvješću, i to:

1. BH RT nije imao usvojene računovodstvene politike za 2008. godinu, a njihov nedostatak u značajnoj je mjeri utjecao na politike vrednovanja prihoda od RTV taksi, priznavanje potraživanja i procedure otpisa nenaplativih potraživanja, te vrednovanje obveza, stalnih sredstava, zaliha i rezerviranja;
2. Međusobni finansijski odnosi BH RT i RTV FBiH nisu se temeljili na vjerodostojnom cjeniku (navedeni cjenik osporava druga strana) prema kojem se vrši fakturiranje usluga. Takođe, BH RT ima neusuglašena i neriješena međusobna potraživanja i obveze između ostala dva javna servisa (RTV FBiH i RT RS);
3. BH RT (kao i druga dva javna servisa – RTV FBiH i RT RS) ne uplaćuju prihode po osnovu marketing usluga na jedinstveni račun, niti se ovi prihodi raspoređuju na propisani način, a revizija nije mogla procijeniti stvarnu opravdanost odobravanja popusta za prihode od marketinga;
4. BH RT nije za iskazana sumnjiva i sporna potraživanja za RTV taksu u ukupnom iznosu od 2.321.934 KM koji potiču iz ranijeg perioda izvršila ispravku na teret rashoda;
5. Obveze prema dobavljačima nisu u cijelosti usuglašene, za neke se nije mogla utvrditi osnovanost, starosna struktura ovih obveza je nepovoljna, a značajan iznos starih obveza prema dobavljačima nije plaćen. BHRT je, pored toga, izvršila novo zaduženje u 2008. godini po kratkoročnom kreditu u iznosu od 1.000.000 KM bez prethodnog odobrenja Upravnog odbora BH RT;
6. U poslovnim knjigama BH RT prikazani su objekti za koje nije utvrđeno pravo vlasništva odnosno raspolaganja (764.486 KM), te značajan iznos objekata za koje nisu riješeni imovinsko-pravni odnosi (412.408 KM), objekata koji su izgrađeni na zemljištu koje podliježe posebnom režimu upravnog rješavanja (292.253 KM) i objekata koji su izgrađeni na privatnom zemljištu (381.848 KM). Takođe, BH RT nije utvrdila nadoknadiivi iznos stalnih sredstava koja su oštećena ili uništena (226.379 KM) u cilju istinitog i objektivnog prikazivanja imovine;
7. Uplaćeni avansi za proizvodnju programa i isporuku robe u 2006. i 2007. godini dobavljačima 'Allmanah' Sarajevo i 'Proelaart' Sarajevo u iznosu od 113.211 KM nisu još uvijek opravdani, mada su isti utuženi. Revizija se nije mogla uvjeriti niti u osnovanost potpisanog sporazuma o izvansudskoj nagodbi sa korisnikom avansa 'Centar za savremenu umjetnost PRO.BA' Sarajevo u iznosu od 96.452 KM.
8. BH RT nije za dio nabava izvršila izbor najpovoljnijeg ponuđača sukladno Zakonu o javnim nabavama, a kod dijela nabava kod kojih su bile primijenjene procedure izbora najpovoljnijeg ponuđača, iste nisu bile u potpunosti izvršene sukladno navedenom zakonu.

BH RT-u je, pored toga, skrenuta pozornost i na sljedeće činjenice:

1. U sudskom rješenju nije naznačen vlasnik niti je registriran kapital BH RT koji je evidentiran u poslovnim knjigama BH RT;

2. Još uvijek nije došlo do formiranja Korporacije kao zajedničke upravljačke strukture između javnih RTV servisa.

U odnosu na prethodne revizije koje su izvršene u BH RT, Ured za reviziju institucija BiH uočio je određena unapređenja u poslovanju BH RT, i to:

- BH RT je uredila sustav obračuna i isplate plaća i naknada time što je usvojen Pravilnik o unutarnjem ustrojstvu BH RT, Pravilnik o sistematizaciji radnih mjesta BH RT i Pravilnik o plaćama i naknadama zaposlenika BH RT;
- Sustav javnih nabava BH RT pokazuje poboljšanja u odnosu na 2005. i 2006. godinu, s tim da su potrebna i dalja unapređenja ovog sustava;
- BH RT je početkom 2007. godine formirala odjel interne revizije, premda ova funkcija nije u cijelosti implementirana;
- Preporuke ranije izvršenih revizija usvojene su u dijelu korekcija poslovnog rezultata BH RT za 2007. i 2008. godine koje su izvršene u poslovnim knjigama BH RT pod 01.01.2009. godine. Tako su izvršene korekcije kojim su smanjeni prihodi za pogrešno iskazana potraživanja u 2007. godini, povećani rashodi za otpis zastarjelih, odnosno nenaplativih potraživanja, te je po tom osnovu iskazan gubitak u finansijskom poslovanju BH RT koji kumulativno za 2007. i 2008. godinu iznosi 5.877.830 KM. Tako iskazani gubitak povećao je ukupni akumulirani gubitak i umanjio neto kapital BH RT za isti iznos.

Detaljna pojašnjenja o ovim i ostalim slabostima nalaze se u Izvješću o reviziji BH RT koji je objavljen na web stranici Ureda za reviziju institucija BiH – www.revizija.gov.ba.

GLAVNI REVIZOR

Milenko Šego, v.r.